

書名 群書考索後集殘二十一卷  
 撰者 宋 章如愚 撰  
 卷 卷十三  
 內容分類 子-類書 彙考-宋  
 索書號 大木-總類-志書-通代-33  
 編號 C5930600

# 卷十三

## 群書考索卷之一

官制門

官數類

山堂先生章俊嫻編輯  
 建陽知縣區玉刊行

後集

唐官通典云唐官數闕尚書云建官准百鄭玄云虞官六十唐官未聞兼併同道或皆六十并屬官而言則皆有百

虞官明堂位曰有虞氏五十鄭云六十

夏官明堂位曰夏官尚書云夏商官倍則當二百矣而鄭云百二十

商官明堂位曰商官二百而鄭云二百四十合依鄭說

周內官內二千六百四十三人外諸侯國官六萬一千三十二人

秦制等以賞功勞

漢吏哀帝時官數兼

後漢內一千五百一十五人外都計內

彩色首頁

東洋文化研究所漢籍目錄 編號: C5930600

東洋文化研究所漢籍目錄所藏漢籍善本文影像資料庫 索書號: 大木-總類-志書-通代-33

漢籍善本文影像資料庫 群書考索後集殘二十一卷

版權所有: 東京大學 東洋文化研究所

使用上的注意事項



兼領

如節度使則領左右金吾衛上將軍承宣使則領左右衛上將軍在內則兼帶在外則不帶以十員為額朝參侍殿並依御帶體例宗室不在此制仍不差戚里及非戰功人除改差主兵官合不領環衛如皇城司帶御器械之類仍許兼領

群書考索卷十二

後集

群書考索卷十三

後集

山堂先生章俊如編  
建陽知縣區玉刊行

官制門

監司類

唐虞建官內有百揆四嶽外有州牧侯伯王者之時五國以為屬屬有長十國以為連連有帥三十國以為卒卒有正二百一十國以為州州有伯。秦罷封建而郡縣置御史以監諸郡。漢興省之惠帝遣御史監三輔郡察事凡九條其後諸州復置監察御史文帝以御史不奉法乃遣丞相史出刺并督察武帝元封五年初置部刺史掌奉詔條察州以六條問事秩六百石。十二州員十二人。吾部九歲舉為守相成帝以為刺史位下大夫而臨二千石輕重不相準乃更為州牧秩貢二千石位次九卿哀帝復為刺史元壽復牧。王尊為臨州刺史馳九折



坂王曰尊為忠臣黃霸為揚州刺史治有功宣帝詔賜車蓋以彰有德  
朱博遷冀州刺史又行部決遣如神。漢光武復刺史乘傳周行郡國錄  
囚徒考殿最。舊制州牧奏二千石事先皆下三公三公遣掾史按檢  
然後黜退光武用法明察不復委三府故權歸刺史舉之吏靈帝改為牧  
。是時天下方亂豪傑各欲據州郡州牧之任自此重矣靈帝時賈琮  
為冀州刺史百姓聞風自然震竦其諸賊過者望風解印綬去李膺為  
青州刺史守恩威明多望風棄官。魏晉為刺史持節都督度姓為單  
車刺史。魏賈陸為豫州刺史舉奏二千石以下阿縱不法帝曰真刺  
吏也杜元凱荊州人號為杜父。後魏州置三刺史其後隨時沿革互  
有不同。隋開皇三年罷郡以州統縣自是刺史之名存而職廢後雖  
有刺史皆太守之互名非舊刺史之職理一郡而已煬帝大業罷州置  
郡置司隸臺大夫一人巡察畿內刺史十四人巡察畿外。唐罷郡置  
州改太守為刺史而雍州置牧神龍二年分天下為十道置巡察使二  
十人以立右臺內外官堅明濟動者為之景雲改置按察使開元中改  
置採訪使至德之後改採訪使為禮察并領都團練治於所部之  
大郡。宋初有轉運使淳化及景德增提刑熙寧中又置提舉

運使

唐先天二年李傑務始為水陸發運使蓋使之名起開元二十二  
年裴耀卿以侍中充江南淮南轉運使而崔希逸蕭曼為副蓋副使始  
此天寶以韋堅充勾當轉運使第五琦充諸色轉運使劉晏充諸道轉  
運使其後韓滉杜棕杜讓餽崔昭緯皆以宰相充使而諸道分置巡院  
皆統於此。五代罷巡院始置轉運使唐會要職藝祖開基懲五季之  
亂藩臣擅有財賦不歸王府自乾德以後僭偽畧平始置諸道大運使  
以總利權開寶中廣南平除徐澤為判官蓋轉運判官始此。其轉運  
使之名。宋初但曰勾當某路水陸計度轉運使官高者則曰某路計  
度轉運使太平興國初皆曰使兩省以上則為都轉運使又置副使與  
諸路判官焉又置同勾當轉運使俄罷諸路副使真宗每用兵或令都  
部署轉運使王師征討則有隨軍轉運使事畢即停至道初詔曰天下



物宜民間利病惟轉運使得以周知今更互赴闕延見詢問為慶曆中皆帶按察之任六年罷三年詔諸路轉運使並兼按察使每歲具官吏能否先是歐陽脩請遣使按察官吏賈昌朝言轉運以按察官吏故令兼領之六年赦書以為過為煩擾吏不安職其並罷之。先是判官與轉運使爭權而繁至嘉祐中復置職。熙寧二年詔轉運使使用本資序人即充資序下一等為權二等為權發遣中興以來逐路都轉運使除授不常唯使副判官常置舊制轉運司除授皆命詞納告渡江已後例給勅命後稍復舊轉運使副命詞運判則否六年諸路運判亦命司給告光宗紹熙以來使副運判不雙除。開寶九年詔諸路官吏宜令轉運使廣訪能否第為三等歲終以聞咸平元年上謂輔臣曰轉運使按察使權甚重必須平允之吏寬猛適中。祥符七年詔曰自今轉運使不限官品並在提點刑獄之上南豐除蔡偁制分部而使雖將漕為各員實在於總度於之予奪

主管運幹

言路漕司始置屬官勾當兩員或一員又置管勾文字

三年其管勾元祐中除三路外並罷後復置焉建炎初避高宗諱改

管勾為主管勾當為幹辦

帳幹

熙寧三年詔諸路漕司始置屬官元祐七年詔轉運司管勾文字除三路外並罷其職事帳司兼管後復故

提刑

宋朝淳化三年遣官分往諸路提點刑獄尋省之景德四年真宗謂王旦曰朕慮四方刑獄官吏未盡得人一夫受冤即召災沴今軍民事務雖有轉運使且地遠無由知先帝嘗選朝臣為諸路提點刑獄今可復置仍以使臣副之於是置諸路提點刑獄公事以朝臣充。始命屯田李拱為之副以武臣閣門祗候以上充天禧四年加勸農使俄以提點刑獄勸農使又以武臣為副使天聖六年悉罷八年復置嘉祐中有武臣同提點河東刑獄竊用公庫銀器及樂倡首飾議者謂武臣不可為



監司罷之。治平元年罷提點刑獄，委轉運司職官分。熙寧二年，諸路提點刑獄復差文臣，其武臣並罷之。

史臣曰：上以武臣罕習吏文，多不足以察舉所部人材，故罷之。人皆以為便。

十年復置提點京畿刑獄掌察所部，疑留獄訟，勸課農桑，而按其官吏之不法，別其廉吏以達于朝。續會宣和初，詔江西廣南增置武提刑一員，然遇關帥不許武憲兼攝。建炎元年以盜賊未衰，諸路無武臣提刑，處權添差一次專管提殺。四年罷之。孝宗乾道六年，詔諸路分置武臣提刑一員，後復罷之。

提幹

建炎四年，詔諸路提刑司除武臣提刑，添置幹辦公事官許行留文臣

一員

中興會要

檢法

熙寧六年，置諸路提刑司檢法官一員，從巨惠卿之請也。元豐三年，罷

五年復置。四朝高職在神宗時亦嘗請諸道刑司檢置法官。

提舉

宋朝淳化中建常平倉。景祐元年，令轉運司與長吏舉所部官專領之。然猶隸漕臣。熙寧遣使提領，此蓋提舉常平之所始也。二年制置三刑條例，言河北陝西已差官提舉常平，廣惠倉餘路欲差胡朝宗、張復、侯叔獻、曾誼等並為提舉官。九年，府界畿內亦專置提舉常平倉一員，不令司農丞兼領。元祐初罷。紹聖九年復置。政和改元，詔江淮荆浙六路共置茶鹽提舉一員。宣和三年，詔河北京東路推行新法鈔鹽，可添置舉官一員，此提舉茶鹽之所始也。宋朝茶鹽事舊隸發運司，元豐間或以轉運常平官兼提舉，或以提刑兼領。知通提轄政和以後始專置官吏。既而諸路皆置。建炎元年，詔提舉常平司併歸提刑司。二年復，三年復，詔提刑兼四年，詔各路提刑司茶鹽司並依舊分東西路。紹興二年，詔荆湖北路復置提舉茶鹽司。四年，詔廣西茶鹽司官吏並罷其職事，委漕臣。五年，詔諸路提舉常平併入茶



鹽司仍以提舉茶鹽常平等公事為二十五年從王支請詔諸路提舉  
茶鹽官改充提舉常平茶鹽公事

提幹

熙寧二年置提舉常平司勾當公事於通判幕職內選差一員不妨本  
職是年制置三司條例司言京西路乞差大理寺丞朱紘淮南路著作  
即曾從兩浙路前宣州司理王醇並為管勾官事。紹興三年戶部者  
詳欲諸路州並以通判充主管官人許公幕職官人差六年復置主管  
司十五年改為幹辦公事依漕屬例中興此常平幹也。宣和三年置  
茶鹽提舉屬官一員費此茶鹽幹也。今提舉司存二幹官以此

總領

南渡之初嘗命朝臣總領都督府宣撫司財賦未以官名也

紹興三年差戶部侍郎姚舜明往建康總領司都督府錢物糧斛六  
年都督諸路軍馬張言三宣撫司錢糧漕司互相占各因致闕乞  
於六部長二內郡一員兼鎮江府置司專一總領紹興戶部侍郎

寧止七年令戶部郎官霍蠡前任鄂州置司專一總領兵馬軍錢糧

紹興十一年收諸帥之兵以為御前軍屯駐諸處皆置總領以朝臣為

之仍帶專一報發御前軍馬文字蓋又使之與聞軍政不獨識饒餉而

已叙位在轉運副使之上鎮江諸軍錢糧淮兩總領堂之建康池州諸

軍錢糧淮西總領掌之鄂州荆南江南諸軍錢糧湖廣總領掌之興元

興州金州諸軍錢糧四川總領掌之初以湖訪為司農少卿總領淮東

軍馬錢糧吳彥璋太府少卿總領淮西江東軍馬錢糧曾樞為太府卿

總領湖廣江西京西路財賦湖北京西軍馬錢糧諸軍不聽節制十六

年四川總司以總領四川宣撫司錢糧所為名十八年詔罷宣撫司始

改為四川總領餽野興。孝宗乾道六年詔淮東總領併歸淮西總領

所一中書門下省言勘會淮東總領所廢併司名合行併入詔以總領

兩淮浙西江東財賦軍馬錢糧為名仍鑄印繳納兩司無印七年復置

淮東總領詳宗

又湖北總領所壁記云國家駐蹕吳會形勝控旅之地上下數千里



自蜀漢荆襄江鄂達于兩淮其間列戍數百而大屯不過十數視屯  
兵若千州之賦入供其軍食其始費用出入悉聽乎主將之所自為  
已而兵廢之用紹興五年始命中都官為外司農兼總其賦之立而  
制其出為四總領所

總屬

紹興十一年初置四總領官屬有幹辦公事准備差遣四川有主管文  
字二員淮東淮西有分差糧料院審計司審三司通判兼權貨務都茶  
場御前封樁中使庫大軍倉大軍庫贍軍酒庫市場抵當庫惠民藥局  
湖廣有給納場屬官兼分差糧料院審計以兼御前封樁甲仗庫大軍  
倉大軍庫贍軍酒庫四川有分差糧料院審計院審計以屬官兼大軍  
倉大軍庫發船運官贖藥庫糴買場中興會要

都大提舉茶馬

宋朝熙寧七年始詔三司鹽鐵判官李杞三司內當公事蒲宗閔經畫  
川蜀置茶充秦鳳熙河路博馬就於提舉成都府路買茶公事杞於秦  
州宗閔於成都置司後改名都大提舉茶馬事成寧七年差李杞  
蒲宗閔成都府買茶熙河路博馬並令杞等提舉置都大提舉及主管  
同主管各因其資品高下除授云。元豐四年群牧判官郭茂恂又言  
茶司既不兼買馬遂在法以害馬政恐誤國事乞併茶場買馬為一司  
從之蓋茶馬司始合於此時也

舊制於原渭德順三都市蕃馬熙寧七年為復熙河經畧使王韶言  
西人頗以善馬至邊其所嗜唯之茶與之為市請趣茶馬辨之乃命  
三司內當公事李杞運場茶至熙河置買馬場六而原渭德順更不  
買馬於是杞言責茶馬一事也乞同提舉買馬杞遂兼馬政然分合  
不常置元豐四年群牧判官提舉買馬郭茂恂又言茶司既不兼買  
馬遂立法以害馬政乞併為一司從之

掌收摘茶之利以佐邦用凡市馬於蕃夷以茶易之大觀以來茶馬之  
政廢川茶不以博馬唯市珠玉故馬政廢歛。建炎四年張浚奏大石  
進奉珠玉高宗諭曰云。紹興四年從關師古之請以之戰馬始今



四川宣撫司支茶博馬五年密院言已於末康軍威茂州置場七年宰  
巨趙昂言得旨復置茶馬官舊有主管茶馬同提舉茶馬都大提舉茶  
馬凡三等上曰考其資歷命之乾道元年川秦兩司馬額共九千餘匹  
茶馬陳彌作言本司買馬川秦兩司文叅叙南平長寧軍六州軍  
年額川馬五千餘匹繫應副江上諸軍階州之奉貼陝西和州之容  
昌兩處年額共西馬四千餘匹繫輪年應副三衙

川秦兩司者祖宗舊制至今不廢  
四年四川宣撫使虞允文奏照得祖宗朝都大茶馬官於秦州成都  
各置司治各半年撥發馬月分居秦司乞事即歸川司指置發茶并  
買馬物帛之類今欲依舊制於鳳州河池縣置秦司既近宕昌買馬  
之弊可以稽察上從之

都大提點諸路坑冶

**唐**開元二十五年監察御史羅文信充諸道鑄錢使唐會要天寶三載楊  
肅除御史中丞充鑄錢使六載度支郎中楊釗充諸道鑄錢使末太

元年劉晏充東都淮南浙江東西湖滬山南東道鑄錢使第五琦充京  
畿關內河東劍南山南西道鑄錢使諸鑄錢監監所在州府都督刺史  
為之副監一人上佐判之續通典。宋朝自開寶平吳之後因其舊置錢

監于都陽既而江淮荆浙閩廣之地皆有監繫發運使燕提點咸平三  
年以馮亮為江南轉運副使兼都大提點江南福建路鑄錢事內供  
官白丞睿同提點錢事實錄至景祐二年始置江浙荆廣福建等路都

大提點坑冶鑄錢一員以魏瓘為之九朝通略。按四朝志祭宗範知鉛山縣有詔罷民采銅皆散為盜宗範一切使  
如故貞宗嘉異權提點江浙諸路銀銅坑冶與此不同當致

元豐二年三司言江浙等路提點坑冶鑄錢官一員通領九路水陸巡  
檢不周欲增一員分路提點從之遂定為兩司在饒者領江東淮浙七  
閩在虔者領江西荆湖二廣馬並聖朝至元祐元年以坑冶鑄錢通為

一司從淮南提點李深之請也會。政和七年置提點鑄錢官兩員於  
饒虔州紹興三年置虔州提點司從提點王全之請也



雖有上項指禪後來多在饒州置司秀州只繫巡歷

六年趙伯瑜乞依嘉祐者令衙內添都大二字與提刑序官二十六年  
詔都大提點坑冶鑄錢司官吏並罷令逐路轉運司交割

以尚書省言坑冶鑄錢司近年鑄錢金鈔一司官吏所責不貲罷之  
二十七年置提領諸路鑄錢官於行在差侍從或知監一員不妨兼職

兼領置屬官二員以提領諸路鑄錢所與名以戶部侍郎榮疑兼二十  
九年從左司諫何溥言乃復置以江淮荆浙福建廣南路提點坑冶鑄

錢公事繫銜與運判序官依舊於饒贛二州置司輪年守任專以措置  
坑冶督責鼓鑄為職。祖額二百六十餘萬貫。孝宗乾道中併歸發

運司七年復置此據提點司題名八年詔鑄錢司依舊置提點官二員  
於饒贛二州置司除王楫李大正二人九年兩司分認課額。將江南

淮南兩浙潼川利州路隸饒州司江西湖廣福建分隸贛州司又王楫  
等言所有舊坑多繫江西却慮饒州一司無從措置欲於江西管內取

撥江州吉州撫州興國軍隆興府却隸饒州司從之淳熙三年併贛司  
歸饒州王楫專為提點官加都大馬

主管提幹檢踏

紹興二年鑄錢司言本司昨被旨許置幹辦公事一員檢踏官五員催  
網官二員後來興諸司屬官一員咸罷經所隸九州不可缺官詔復置

幹辦公事一員檢踏官三員催網官一員後檢踏置六員十一年從韓  
環之請將檢踏官各分認專管職事一員在饒州本司一員在信州一

員在建州一員在韶州一員在潭州中興二十六年提點坑冶鑄錢司  
官吏檢踏官等並罷二十九年因何溥議再置提點官於饒州置主管

文字舊亦有秀州置幹辦公事一員韶州建州各置檢踏官一員別置  
秤銅官催網官各一員差武臣續詔於饒州添檢踏之員中興

提舉市舶

唐有市舶使以右威衛中郎將周澤為之見御澤勅

代宗廣德元年有廣州市舶使呂太一通鑑

宋開寶四年下廣南以同知廣州潘美戶宗琦並兼市舶使通判謝處



玳燕市舶判官太祖成平三年九月庚子令杭州明州各置市舶聽官  
 從使熙寧更始變市舶法泉人賈海外者往復必使東詣廣否則沒  
 其貨海道曰遠竊還家者過半歲抵罪者殺太守陳侂奏疏願置市舶  
 於泉不報哲宗即位之二年始詔泉置市舶備了齊之父也舊制雖有  
 市舶司多州郡兼領元豐中始令轉運司兼提舉而州郡不預矣  
 元豐三年書言廣西東路備已脩定乞專委官推行詔願東以大運  
 使孫洵廣西以運使陳倩兩浙以轉運副使周直綿福建轉運判官  
 王子京迥直孺兼提舉推行倩子京兼覺察拘攔其廣東路安撫使  
 更不帶市舶

後專置提舉而轉運司不復預矣後盡罷提舉官至大觀元年續置明  
 年御史中丞呂公弼請歸之轉運司不報建炎中興詔罷兩浙福建市  
 舶司歸轉運司建炎時而廣南如故明年復置中興尚書省言州廢  
 以采工人不便虧失數多於是詔依舊復置紹興四年發福建提舉市  
 舶初令提刑兼領旋委提舉茶事十三年提舉欲措置福建臘茶時欲

發臘茶市舶在置司出賣呂斌上言於是茶鹽司歸建州而提舉市舶  
 以次復矣乾道二年詔罷兩浙提舉市舶逐處職事委知通判監官  
 同行檢視而總領數令轉運司提督

紹興二十九年張闡言福建廣南各置務於一州兩浙船務乃分建  
 於五所至乾道初臣僚言兩淮臨安明州秀州温州江陰軍凡五處  
 有市舶祖宗舊制有布舶處知州帶提舉市舶務通判帶主人知縣  
 帶監而逐務又各有監司市舶置司乃在華亭近年遇明州船船到  
 提舉帶一司吏人留明州數月名為抽解其實搔擾且福建廣南皆  
 有市舶物貨浩瀚置官提舉誠所當宜惟是兩浙置官委是冗蠹乞  
 賜廢罷

安撫使

梁武帝普通五年置。魏以鄴道元為大使慰撫六鎮大使始此。隋  
 文帝開皇九年詔遣柱國韋光安撫嶺外又仁壽四年以楊素為并州  
 道行軍總管河北道安撫大使並通。唐正觀初遣大使十三人巡省



天下

諸州水旱則有巡察安撫存撫之名節度使兼之則有副使天授二

年發十道存撫使職官分總

聖曆中狄仁傑為河北道安撫。德宗正元又置副使今職。宋朝舊

不常置自咸平二年以翰林學士王欽若為西川安撫使知制誥梁顥

為陝西按撫使安撫使之名始此其後景德三年始置河北沿邊安撫

使以雄州守臣為之而陝西沿邊諸州亦有安撫使慶曆二年召置湖

南安撫司八年詔置河北四路安撫以韓琦王拱辰賈昌朝等充諸路

使皇祐四年詔廣桂二州帶經畧安撫使熙寧五年罷諸路經畧安撫

司崇寧二年置河南安撫使宣和二年置輔郡內穎昌府帶京西安撫

使宣和三年臣僚言睦賊猖獗乞以杭起知州總領路安撫鎮撫一方

詔杭越州江寧府守臣並帶安制置詔澉州守臣可依江寧府安撫使

凡諸路安撫逐州知州兼以直秘閣以上充掌總護諸將統制軍旅祭

治奸宄以肅清一道凡兵民之政皆掌焉帥其屬而聽其獄訟頒其禁

令定其賞罰稽其錢穀器械出納之名稽其行以法若事難專決則其

可善稟奏即干機速邊防及士卒抵罪則聽以便可裁斷

繫邊任則綏御夷狄撫寧疆圉若甲兵屯戍芻粟饋運則視其緩急

盈虛而移用之掌凡戰守之事並會要續會要

建炎元年李綱請沿河沿淮沿江置安撫使兼馬步軍都總管以文臣

充二年令將兵處知州帶管內安撫使後省四年置鎮撫使罷逐路安

撫使後罷鎮撫使置安撫使始此時諸路又有安撫大使自兩浙西路

劉光世如二品以上為帥即為安撫大使中興會要

帥屬

唐置藩鎮皆有參謀至行軍亦有之關預軍中機密張建封置溫造字

簡輿說劉濟使納忠於朝。建炎四年詔兩浙西路安撫大使許置參

謀參議各一員。紹興四年詔沿江三大使司亦許置參謀參議官。

五年詔江南西路湖南浙西安撫大使許置秀州安撫使許置參議共

謀參議請給依本路提舉茶鹽支破中興會要



機宜

宋朝安撫使司其屬有勾當公事管勾機宜文字準備差使哲宗正建

炎初安撫大使許置主管機宜文字主管書寫本司機宜文字各一員

紹興四年詔帥府書寫機宜文字除繫事干機密合書寫外其餘文字

並不得簽書奉給京官依通判選人依簽判中興宋祖宗朝安撫使司

屬有勾當公事高宗即位事御嫌名改為幹辦公事建炎三年詔浙西

安撫大使許置幹辦公事官五員其俸給京朝官依通判選人依簽判

支破建炎四年江東西湖南浙西安撫大使許置幹辦公事五員安撫

制置使

唐宣宗大中五年以向敏中充招討党項行營都統制置等使通制置

使之名始此。宋朝不常置掌經畫邊鄙軍旅之事政和中熙秦用兵

部內侍童貫為之四朝志宣和末姚古為京畿輔都兵馬制置使靖康初

神師道為河東路制置使錢蓋為陝西五路制置使欽宗建炎元年有

招捉賊盜制置使自王淵始三年有行在五軍制置使自劉光世始又

諸路皆有副使自江彥陳彥文程千秋始六月浙西安撫使康允之帶

本路制置使安撫帶制置使自此始也。四年有沿江制置使管江

建康府紹興二年有沿海制置使係建康兩浙東路三年有安撫制置使大使之

名自江南西路大使趙鼎始六年始鑄印以其路制置司為名從浙西

淮東制置使梁汝嘉所請也其後盡省惟四川沿海有焉四川係成都府沿海係明

經畧使

唐正觀二年邊州別置經畧使此蓋使名之起唐百官志節度兼度支營五

招討經畧使則有副使判官各一人職官分紀儀鳳二年以黑齒常之為河

源軍經畧大使職今職永淳元年婁師德為河源軍經畧副使通鑑至德三

年賀蘭進明除嶺南五府經畧兼節度使建中元年除元誘節度始不

帶五府經畧唐會要。宋朝不常置咸平五年始以右僕射張齊賢為邠

寧環慶涇原路經畧使判邠州諸路軍馬並受節度又以鄧州觀察使



錢若水為并代經畧使判并州自後不除人寶元中夏人入寇始命陝西沿邊大將皆兼經畧皇祐間懷智高擾邊詔知廣桂州並帶經畧安撫使兵自西南一邊常帶經畧所以重帥權而服羗夷也四朝職畧其國朝會要其經畧安撫各以直秘閣以上充掌一路兵民之事皆帥其屬而聽其獄訟頒其禁令定其賞罰稽其錢穀甲械出納之名籍而行以法若事推尊決則具可否稟奏即干機速邊防及士卒抵罪則聽以便宜裁斷帥臣任河東陝西嶺南路職任綏御戎夷則為經畧安撫使續會要四朝志南渡之初依舊制廣南東路帶主管經畧安撫司公事西路帶經畧安撫使紹興五年令襄陽守臣湖北帥帶經畧安撫使

中書門下省言湖北帥司以移還荆南舊給與襄陽府事體頗同詔王庶許依襄陽例帶經畧安撫中興會要。後罷而二廣如故

京尹

秦分天下為三十六郡京師為內史。漢因之景帝分左右內史武帝置京兆尹右扶風左馮翊為三輔。後漢都洛為河南尹。魏晉因之

歷代所都皆為尹仁左為丹陽尹。北齊為清都尹。後周及於隋復為京兆尹。唐初置牧開元復為尹。五代都汴為開封尹。宋朝牧尹不常置太宗真宗皆常尹京後親王元繼者權知府一人以待制以

上充掌尹正畿甸之事中都之獄訟皆受而聽焉小事則專決大事則稟奏若承旨已斷者刑部御史臺無輒糾察典司谷下建隆以來為要劇之任崇寧三年蔡京乞罷權知府置牧尹各一員專總管事牧以皇子領尹以文臣充四朝志

尹以親王為之號判南衙凡命知府必帶權字以翰林為之翰林學士及雜學士若待制則權發遣而已所選皆人望蓋四方取則之地也聖朝職畧

中興駐蹕杭州建炎三年改杭州為臨安府守臣帶浙西安撫多卿監從臣兼紹興三年詔臨安府有奏稟事許不隔班上殿乾道七年皇太子領臨安府尹就東京為解廢臨安府通判簽判職官置少尹判官推官少尹一依淳化判官例差侍從以上判官依天聖令用郎官以上餘



曹掾依舊府官庭參仍拜下事少尹裁決徒流以上具案判準表奏則  
繫皇太子銜申中書以下文移則少尹簽書九年皇太子辭免臨安府  
尹其知通簽判推判官並復置中興會要  
孝宗會要

留守

隋大業代王消留守西京十二年李淵太原留守王威商君雅為副通鑑

唐太宗正觀十七年親征遼東置京城留守以房元齡充蕭瑀為副

咸亨二年高宗幸洛陽以雍州長史李晦為西京留守其後車駕發京

都則置留守以右金吾大將軍為副留守太原府亦置尹及少尹以尹

為留守少尹為副留守謂之三都留守見君職林及宋朝天子巡狩

親征則命親王或大臣拘留留守事建隆元年親征澤潞以樞密使吳延

祚為東京留守其西南北京留守各一人以知府事兼之西京河南南

大名見留守司掌宮鑰及京城守衛脩葺彈壓之事畿內錢穀兵民之

政四朝建炎初京城有副留守以檢校少傅寧武軍節度使范訥充留守以待衛親軍都指揮使遂

安軍承宣使郭仲荀副之

○又有西京留守並繫執政從臣充兼節制軍馬其後武林建鄴並建

行宮武林視汴都而建鄴視三都焉聖朝紹興四年參知政事孟庾為

行宮留守從權措置百司事務六年有行宮同留守以左通奉大夫孟

庾提舉萬壽觀兼侍講充詔二留守並權赴尚書省治事

是年八月三省已降指揮三省樞密院常程事務並聽行宮留守司

與決詔秦椿孟庾並權赴尚書省治事中興



卷十三  
官論  
十三

所圖書

張輝印







所入  
圖時  
書卷